

সামাজিক দায়বদ্ধতা নীতিমালা (Policy on Social Responsibility)

ওয়েসিস ফ্যাশন লিঃ এর শ্রমিক, কর্মচারী, কর্মকর্তার কল্যাণ এবং একই সাথে কারখানা সংলগ্ন অঞ্চল সমূহের পরিবেশ ও অন্যান্য সামাজিক আচরনের ক্ষেত্রে নীতিগত দায়বদ্ধতার প্রতি শ্রদ্ধাশীল। সামাজিক দায়বদ্ধতার তাগিদে অত্র প্রতিষ্ঠান নিম্নোক্ত বিষয়গুলোর উপর বিশেষ গুরুত্বারোপ করে।

১। কর্মপরিবেশ : একটি উন্নত কর্মপরিবেশ অধিক উৎপাদন যেমন নিশ্চিত করে ঠিক তেমনি শ্রমিকদের সর্বাঙ্গীণ শান্তি এবং সমৃদ্ধির জন্য সহায়ক ভূমিকা পালন করে। কর্তৃপক্ষ অত্র প্রতিষ্ঠানে সর্বোচ্চ কর্মপরিবেশ বজায় রাখার জন্য প্রয়োজনীয় সকল ব্যবস্থা গ্রহণে বদ্ধপরিকর। এ লক্ষ্যেই কর্মস্থলের নিম্নোক্ত বিষয়গুলো যথাযথভাবে নিশ্চিত করবেঃ-

- ক) পরিষ্কার পরিচ্ছন্নতা,
- খ) পর্যাপ্ত আলো ও বাতাস চলাচল ব্যবস্থা
- গ) পর্যাপ্ত স্যানিটেশন ব্যবস্থা
- ঘ) বিশুদ্ধ খাবার পানি সরবরাহ
- ঙ) প্রক্ষালন সুবিধা

২। স্বাস্থ্য সেবা : অত্র প্রতিষ্ঠানে কর্মরত সকল শ্রমিক, কর্মচারীদের সুন্দর স্বাস্থ্য বজায় রাখার জন্য সর্বাঙ্গিক স্বাস্থ্য সহযোগিতা প্রদান করে থাকে। এ লক্ষ্যে অত্র প্রতিষ্ঠানে একটি সমন্বিত স্বাস্থ্য ইউনিট রাখা হয়েছে যা সার্বক্ষণিক চিকিৎসা সুবিধা প্রদানের জন্য প্রস্তুত থাকবে।

৩। চিকিৎসা সুবিধা : কর্মরত শ্রমিক, কর্মচারীদের চিকিৎসা সুবিধা প্রদানের পাশাপাশি যে সকল ব্যক্তি অর্থের অভাবে তাদের বাবা, মা, ভাই, বোন বা সন্তানের চিকিৎসা দিতে সক্ষম নন; তাদের চিকিৎসা সেবা প্রদানের ক্ষেত্রে কর্তৃপক্ষ সর্বদাই উদার চিন্তে সাহায্যের হাত সম্প্রসারণ করে।

৪। নিরাপত্তা : অত্র প্রতিষ্ঠানে কর্মরত শ্রমিক, কর্মচারীদের সার্বক্ষণিক নিরাপত্তা নিশ্চিত করার লক্ষ্যে একটি সুনিয়ন্ত্রিত নিরাপত্তা ইউনিট সর্বদা নিয়োজিত রয়েছে। যার সদস্যগণ কারখানায় কর্মরত শ্রমিক ও মূল্যবান দ্রব্য সামগ্রীর নিরাপত্তা বিধানের জন্য সদা সচেষ্ট থাকবে।

৫। পরিবেশগত দায়বদ্ধতা : কর্তৃপক্ষ কারখানার অভ্যন্তরে এবং কারখানা সংলগ্ন এলাকার প্রাকৃতিক পরিবেশের জন্য ক্ষতিকর প্রভাব বিস্তার করতে পারে এমন প্রবণতা থেকে সম্পূর্ণ বিরত থাকবে। কারখানার ধোয়া, বর্জ্য পদার্থ, রাসায়নিক দ্রব্যাদি ইত্যাদি ব্যবহারের ক্ষেত্রে সর্বদা পরিবেশ বান্ধব পদক্ষেপ সমূহ যথাযথভাবে গৃহীত হবে।

৬। ইনসেন্টিভ : কর্মরত শ্রমিক, কর্মচারীদের প্রেষণা প্রদানের লক্ষ্যে বিভিন্ন ধরনের বোনাস (উৎসব বোনাস, প্রডাকশন বোনাস, হাজিরা বোনাস) প্রদান করা হয়।

৭। প্রশিক্ষণ কর্মসূচী : প্রতিষ্ঠানে কর্মরত শ্রমিক, কর্মচারীদের নিরাপত্তা, স্বাস্থ্য নিরাপত্তা, স্বাস্থ্য সচেতনতা, আইনগত অধিকার সমূহ, অভিযোগ পদ্ধতি ইত্যাদি বিষয়ে বুনিয়াদি প্রশিক্ষণ প্রদান করবে।

৮। চাইল্ড কেয়ার সেন্টার : কারখানায় কর্মরত শ্রমিক, কর্মচারীগণের পোষ্যদের (অনধিক ০৬ বছর) জন্য সকল সুযোগ সুবিধা সহ চাইল্ড কেয়ার সেন্টার রয়েছে। উক্ত চাইল্ড কেয়ার সেন্টারে ধর্ম, বর্ণ বা শ্রেণী নির্বিশেষে শ্রমিক, কর্মচারীগণ তাদের শিশু সন্তান লালন পালনের জন্য রাখতে পারবেন।

৯। সামাজিক অনুদান : কর্তৃপক্ষ প্রতিষ্ঠান সংলগ্ন এলাকা সমূহের সামাজিক, শিক্ষা ও ধর্মীয় উন্নয়ন সম্পর্কিত কর্মকাণ্ডে বিভিন্ন সময় বিভিন্ন ধরনের অনুদানের মাধ্যমে অংশ গ্রহন করে থাকে। (যেমন-বঙ্গবন্ধু কলেজ, জান্নাতুল বাকী জামে মসজিদ ও কাসেমিয়া মাদ্রাসা)।

১০। দুর্যোগকালীন সাহায্য সহযোগিতা : অত্র প্রতিষ্ঠানে কর্তৃপক্ষ সর্বদাই কারখানা সংলগ্ন এলাকার যে কোন দুর্যোগকালে বিপন্ন জনগোষ্ঠীর পাশে গিয়ে দাড়াবে এবং সম্ভব সকল প্রকার সাহায্যে সহযোগিতা প্রদানের জন্য সচেষ্ট থাকবে।

১১। বার্ষিক বনভোজন ও ক্রীড়া প্রতিযোগিতা : প্রতিষ্ঠানে কর্মরত শ্রমিক, কর্মচারীদের বিনোদনের জন্য বার্ষিক বনভোজন ও সাংস্কৃতিক অনুষ্ঠানের আয়োজন করা হয়। এছাড়া বিভিন্ন বিভাগের কর্মচারীগণের দক্ষতা, সময়ানুবর্তিতা ইত্যাদি গুণাগুণ বিচার পূর্বক তাদেরকে পুরস্কার প্রদান করা হয়। প্রতি বছর ওয়েসিস ফ্যাশন লিঃ আন্ত ক্রীড়া প্রতিযোগিতার আয়োজন করে থাকে।

অত্র প্রতিষ্ঠান উন্নত সামাজিক দায়বোধে আবদ্ধ থেকে সকল ক্ষেত্রে ইতিবাচক পদক্ষেপ গ্রহন করে থাকে এবং এ লক্ষ্যে কর্মরত শ্রমিক, কর্মচারী, কর্মকর্তা ও কর্তৃপক্ষ যৌথভাবে কাজ করার জন্য অঙ্গীকারবদ্ধ।